

Sinerissamut qanittumi qaleralinniarneq pillugu Namminersornerullutik Oqartussat nalunaarutaat

Aalisarnej pillugu Inatsisartut inatsisaanni nr. 18-imi, 31. oktober 1996-imeersumi, kingullermik Inatsisartut inatsisaatigut nr. 6, 20. maj 1998-imeersuklut allannngortinneqartumi, §§ 10, 11, 13 imm. 2, 22, 23, 26, 33 imm. 2 aamma 34 imm. 3 malillugit aalajangersarneqarpoq:

Atuuffi

§ 1. Nalunaarut atuuppoq angallatit 75 BRT/120 BT-mit minnerusut atorlugit qaleralinniarnermut, imartamilu sinerissap aamma titarnerup aalisarnikkut oqartussaaffigisamut tunngaviusumik killigititanit sømilit pingasut avataaniittup akornanni ingerlanneqartumut.

Imm. 2. Nalunaarummi matumani "angallat" immakkut nunakkulluunniit assartuutitut suugaluartutulluunniit Aalisarnej pillugu Inatsisartut inatsisaanni nr. 18-imi 31. oktober 1996-imeersumi § 4, imm. 7 naapertorlugit aalisarnermut atorneqartutut paasineqassaaq.

Imm. 3. Nalunaarummi matumani kommunit killeqarfii Kalaallit Nunaata nunap immikkoortuinut kommuninullu aggorneqarnera pillugu Inatsisartut inatsisaanni aalajangersarneqarput.

Inuussutissarsiutigalugu qaleralinniarneq

§ 2. Inuussutissarsiutigalugu qaleralinniarnissamut akuersisummik pigisaqarnissaa piumasaqaataavoq. Akuersisummi taaneqassaaq angallat suna imaluunniit angallatit suut atorneqarnerisut. Akuersissut piffissamut killiligaavoq sivisunerpaamillu ukioq ataaseq atuuttussatut tunniunneqartassalluni.

Imm. 2. Akuersisummi sumiiffimmi aalisarsinnaatitaanerup killilerneqarnissaa aalajangersarneqarsinnaavoq.

§ 3. Akuersissut taassumaluunniit assilinera aalisartilluni nassatarineqartassaaq.

Inuussutissarsiutigalugu qaleralinniarnermi angallatit

§ 4. Aasiaat, Qasigiannugit, Qeqertarsuup, Ilulissat, Uummannap Upernaviullu kommuniini inuussutissarsiutigalugu qaleralinniarneq angallatinut 19,99 BRT/31,99 BT-init anginerusunut kiisalu angallatinut raajarniarsinnaanermut akuersisummik pigisaqartunut ajornartitaavoq.

§ 5. Aasiaat, Qasigiannugit, Qeqertarsuup, Ilulissat Uummannallu kommuniini angallammut 5 BRT/8 BT-imit anginerusumut, sionatigut qaleralinniarsimangitsumut, inuussutissarsiutigalugu qaleralinniarnissamut akuersissut tunniunneqassanngilaq, aalisarnermit tassannga amerlaqataanik pisaqarsinnaasumik aalisarunnaarsitsisoqanngippat.

Inuussutissarsiutigalugu qaleralinniarnermi piniutit

§ 6. Inuussutissarsiutigalugu qaleralinniarnermi qassutit qalorsuilluunniit atorineqarnissaat ajornartitaavoq.

Imm. 2. Aalisarnermut, Piniarnermut Nunaqarfinnullu Naalakkersuisoq sumiiffinnut piffissanullu erseqqinnerusumik aalajangersakkani imm. 1-ip atorineqannginnissaanik immikkut akuersissuteqarsinnaavoq. Tamanna kommuninut ataasiakkaanut, KANUKOKA-mut, KNAPK-mut kiisalu aviisit nuna tamakkerlugu saqqummersartut aqqutigalugit nalunaarutigineqassaaq.

Imm. 3. Qassutit atorlugit qaleralinniarnermi qassutini nigartaqqortussutsimut minnerpaaffissaq 220 mm-iuvoq.

§ 7. Aalisarnermi atortut nalunaaqutserneqassapput piginnittup atianik najugaanillu imaluunniit angallatip atianik GR-normuanillu. Nalunaaqutsiussaq immamit aanngartinneqarsinnaasuussanngilaq. Qassutini kivisittakkani nalunaaqutsiussaq qimiaanut qullermut ikkunneqassaaq. Ningittakkani ningittakkat qimiaannut ikkunneqassaaq. Atortuni uninngasuni allanittaaq puttaqutit atorineqartut taamatut nalunaaqutserneqassapput.

Pisat tunisinernillu nalunaarutit

§ 8. Inuussutissarsiutigalugu qaleralinniarnermi pisat Kalaallit Nunaanni umiarsuarmut nunamiluunniit tunitsivimmut tulaanneqassapput. Umiarsuartut nunamiluunniit tunitsivittut paasineqassaaq aalisakkanik tunitsivik pisortanit akuerineqarsimasoq.

Imm. 2. Tamatumani pineqanngillat angallatit angallammi namminerimi suliarinnittussatut akuerineqarsimasut.

§ 9. Tunitsivik qaleralit tunineqartut pillugit Kalaallit Nunaanni Aalisarsinnaanermut Akuersissutinik Nakkutilliisoqarfimmut (KANUAANA) nalunaaruteqartassaaq. Paasissutissat makku tunniunneqartassapput:

- 1) Sumiiffik tunitsiviusoq (illoqarfik/nunaqarfik kiisalu kommuni)
- 2) Tunisisup aamma/imaluunniit angallatip atia
- 3) Tunisisup inuttut normua aamma/imaluunniit angallatip nalunaarsorneqarnermini normua kiisalu akuersissutip normua
- 4) Tunisat kiilunngorlugit amerlassusii qanorlu suliarineqarsimaneri nalunaarlugit, soorlu MHUI (niaqui atasut, erlaviikkat), UHUI (niaquikkat erlaviikkallu) aamma UHHI (niaquikkat, paperuikkat erlaviikkallu)
- 5) Sumiiffik aalisarfusimasoq.

Imm. 2. Paasissutissat qaammatinut tamanut, kingusinnerpaamik qaammatip tulluuttup qiteqqunnerani allakkatigut, faxikkut imaluunniit qarasaasiakkut atuarneqarsinnaasunngorlugit KANUAANA-mut nassiunneqartassapput.

Inuussutissarsiutigalugu qaleralinniarneq

§ 10. Nammineq atugassanik qaleralinniarneq danskisut innuttaassusilinnut tamanut aalajangersimasumik Kalaallit Nunaanni najugaqartunut ajornartitaanngilaq. Nunani allani Danmarkinngitsumi innuttaassusillit Kalaallit Nunaanni najugaqavissut ukiullu kingulliit marluk ataavartumik Kalaallit Nunaanniissimasut danskisut innuttaassuseqartutut pineqassapput, Aalisarneq pillugu Inatsisartut inatsisaanni nr. 18-imi 31. oktober 1996-imeersumi § 8, imm. 1 naapertorlugu.

Imm. 2. Nammineq atugassanik qaleralinniarnermi qassutit qalorsuilluunniit atornissaat ajornartitaavoq. Piniutit atorineqartut tamarmik § 7 naapertorlugu piginnittup atianik nalunaaqutserneqarsimassapput.

Nakkutilliineq

§ 11. Angallatit nalunaarummi matumani pineqartut KANUAANA, GLK (sakkutuut imarsiortut), piniarnermik aalisarnermillu nakkutilliisut aamma politiit, oqartussaasut taakku sulineranni suleqatigissavaat, Aalisarnerq pillugu Inatsisartut inatsisaanni §§ 26-31 naapertorlugit.

Imm. 2. Angallatit isumannaassavaat KANUAANA-p, GLK-p aamma politiit sulisuisa kiisalu aalisarnermik piniarnermillu nakkutilliisut akornuserneqaratik angallammik nakkutiliisinaanissaat.

Immikkut akuersissuteqartarnerit

§ 12. Aalisarnermut, Piniarnermut Nunaqarfinnullu Pisorta qarfik § 1 imm. 1-mi aalajangersakkap atorineqannginnissaanut immikkut akuersissuteqarsinnaapput, sumiiffinni aalisariutinik minnerusunik aalisarfunngitsuni kiisalu aalisariutinik annerusunik aalisarnerq sumiiffimmi aalisarnerup ineriartorneranut akornutaassanngippat.

Imm. 2. Aalisarnermut, Piniarnermut Nunaqarfinnullu Pisorta qarfik §§-it 4-p 5-illu atorineqannginnissaannut immikkut akuersissuteqarsinnaassaaq, pisinereqarsinnaasut, qanoq pisaqartiginnaanerup aammalu qaleralinniarnermik inuussutissarsiteqarnerup siamasissumik ineriartortinneqarnissaata isiginiarneqarnissaata tamanna ajornartinnngippagu.

Pineqaatissiissutit

§ 13. § 2, § 3, § 4, § 6, § 7, § 8, § 9, § 10 imm. 2, aamma § 11-mik unioqqutitsineq kiisalu akuersissummut piumasaqaataasunik sumiginnaaneq akiliisitsinermik kinguneqassapput.

Imm. 2. Aktiaateqarluni ingerlatseqatigiiffik, piginneqataassuteqarluni ingerlatseqatigiiffik, piginneqatigiiffik imaluunniit piginneqatigiilluni umiarsuaatileqatigiiffik unioqqutitsippat ingerlatseqatigiiffik taannaatillugu akiliisitassatut akisussaasunngortinneqarsinnaavoq.

Imm. 3. Pinerluttulerinermi inatsimmi arsaarinnittarneq pillugu malittarisassat taamatuttaaq atorineqassapput.

Imm. 4. Akuersissummi piumasaqaataasunik unioqqutitsineq tassannga atuisinnaatitaanermik killiliinernik kinguneqarsinnaavoq kiisalu sakkortunerusunik pisoqartillugu imaluunniit unioqqutitsisoqaqqitsillugu akuersissut arsaarinnissutigineqarsinnaalluni. Tamanna pillugu Aalisarnermut, Piniarnermut Nunaqarfinnullu Pisorta qarfik aalajangiissaaq, aalajangiinerlu nalunaarutigineqarnerminiit ullut 15-it qaangiutsinnagit Nunatta Eqqartuussivianut suliaassiissutigineqarsinnaalluni, Aalisarnerq pillugu Inatsisartut inatsisaanni nr. 18-imi 31. oktober 1996-imeersumi § 21, imm. 3 naapertorlugu.

Imm. 5. Pineqaatissiinissamik suliat allattaaq Aalisarnerq pillugu inatsimmi Kap. 13-imi aalajangersakkat malillugit suliarineqartassapput.

Atortuulertia

§ 14. Nalunaarut ulloq 14. februar 2002 atortuulertpoq.

Imm. 2. Tamatumunnga peqatigitillugu sinerissamut qanittumi qaleralinniarneq pillugu

Namminersornerullutik Oqartussat nalunaarutaat nr.1, 3. januar 2002-imeersaq atorunnaarsinneqarpoq.

Namminersornerullutik Oqartussat, ulloq 14. februar 2002.

Hans Enoksen

/

Gedion Jeremiassen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut